

कन्यानयनीयमहावीरप्रतिमाकल्पः ।

४५

## २२. कन्यानयनीयमहावीरप्रतिमाकल्पः ।

पणमिय अमियगुणगणं<sup>१</sup> सुरगिरिधीरं जिणं महावीरं । कण्णाणयपुरिअतप्पडिमाकप्पं किमवि वुच्छं ॥ १ ॥

चोलदेसावयंसे कण्णाणयनयरे विक्रमपुरवत्थवपहुजिणवइसूरिचुल्लपिउसाहुमाणदेव<sup>२</sup> काराविया<sup>३</sup> बारहसयतित्तीसे विक्रमवरिसे ( १२३३ ) आसाढसुद्धदसमीगुरुदिवसे सिरिजिणवइसूरीहिं अम्हेच्चय पुवायरिएहिं पइट्टिया म्माणसेलसमुगयजोईसरो<sup>४</sup> वलघडिया तेवीसपबपरिमाणे नहसुत्तिलगणे वि घंट व सद्दं<sup>५</sup> कुणंती सिरिमहावीरपडिमा<sup>६</sup> सुमिणयाएसेण अनकवालाभिहाणपुढविधाउ<sup>७</sup> विसेससंफासेणं सन्निहियपाडिहेरा सावयसंघेण चिरं पूइया । जाव बारहसयअडयाले ( १२४८ ) विक्रमाइच्चसंवच्छरे चाहुयाणकुलपईवे सिरिपुहविरायनरिदे सुरत्ताण साहवदीणेण निहणं नीए रज्जपहाणेण परमसावएण सिद्धिरामदेवेण सावयसंघस्स लेहो पेसिओ, जहा-तुरुक्करज्जं संजायं । सिरिमहावीरपडिमा पच्छन्नं<sup>७</sup> धारियवा<sup>८</sup> । तओ सावएहिं दाहिम<sup>९</sup>-कुलमंडणकयंवासमंडलियनामंकिए कयंवासत्थले<sup>१०</sup> विउलवालुआपूरे ठाविया । [ ताव तत्थ ठिया ] जाव तेरह-<sup>१०</sup> सयइक्कारसे ( १३११ ) विक्रमवरिसे संजाए अइदारुणे दुब्भिकखे अणिबहंतो जोजओ नाम<sup>११</sup> सुत्त-हारो जीवियानिमित्तं सुभिकखदेसं पइ सकुटुंबो<sup>१२</sup> चलिओ कण्णाणयाओ । पढमपयाणयं थोवं कायवं ति कलिऊण<sup>१३</sup> कयंवासत्थले चैव तं रयणिं वुत्थो । अद्धरत्ते देवयाए तस्स सुमिणं दिण्णं, जहा-इत्थ तुमं जत्थ सुत्तोसि तस्स हिट्ठे भगवओ महावीरस्स पडिमा एत्तिएसु हत्थेसु चिट्ठइ । तुमए वि देसंतरे न गंतवं । भविस्सइ इत्थेव ते निबाहुत्ति । तेण ससंभमं पडिबुद्धेण तं ठाणं पुत्ताईहिं खणाविअं । जाव दिट्ठा सा पडिमा । तओ हिट्ठ<sup>१४</sup> तुट्टेण नयरं गंतूण<sup>१५</sup> सावयसंघस्स निवेइयं । सावएहिं महुसवपुरस्सरं परमेसरो पवेसिऊण ठाविओ चेईहरे । पूइज्जए तिकाळं । अणेगवारं तुरुक्कउवद्दवाओ मुक्को । तस्स य सुत्तहारस्स सावएहिं वित्तिनिबाहो कारिओ । पडिमाए परिगरो य गवेसिओ तेहिं न लद्धो । कत्थवि थलपरिसरे चिट्ठइ । तत्थ य पसत्थिसंवच्छराइ लिहिअं संभाविज्जइ । अन्नया<sup>१५</sup> ण्वणे संवुत्ते भयवओ सरीरे पसेओ पसरंतो दिट्ठो । ल्हिज्जमाणो वि जाव न विरमइ ताव नायं सद्धेहिं वियद्धेहिं<sup>१६</sup> जहा को वि उवद्दवो अवस्सं इत्थ होही । जाव पभाए जट्टुअरायउत्ताणं धाडी समागया । नयरं सबओ विद्धत्थं । एवं पायडपभावो<sup>२०</sup> सामी तावपईओ जाव तेरहसयपंचासीओ ( १३८५ ) संवच्छरो । तम्मि वरिसे आगएणं आसीनयरसिकदारणं<sup>१७</sup> अल्लुविअवंससं<sup>१८</sup> जाएणं घोरपरिणामेणं सावया साहुणो अ बंदीए काउं विडंबिया । सिरिपासनाहर्बिबं सेलमयं भगं । सा पुण सिरिमहावीरपडिमा अखंडिआ चैव सगडमारोवित्ता ढिल्लीपुरमाणेऊण<sup>१९</sup> तुगुलकावादट्टिसुरत्ताण-भंडारे ठाविया । सिरिसुरत्ताणो किरि आगओ संतो जं आइसिहिइ तं करिस्सामुत्ति ठिया पन्नरसमासे तुरुक्कवंदीए । जाव समागओ कालक्कमेण देवगिरिनयराओ जोगिणिपुरं सिरिमहम्मदसुरत्ताणो । 25

अन्नया बहिया जणवयविहारं<sup>२०</sup> विहरित्ता संपत्ता<sup>२१</sup> ढिल्लीसाहापुरे खरयरगच्छालंकारसिरिजिणसिंहसूरि-पट्टपइट्टिया सिरिजिणप्पहसूरिणो । कमेण महारासयभाए पंडिअगुट्टीए पत्थुआए, को नाम विसिद्धयो पंडिओ ति रायराएण पुट्टे<sup>२२</sup> जोइसिअधाराधरेण तेसिं गुणत्थुई पारद्धा । तओ महाराएणं तं चैव पेसिअ सबहुमाणं आणाविआ पोससुद्धबीयाए संज्ञाए सूरिणो<sup>२३</sup> । भिट्ठिओ तेहिं महारायाहिराओ । अच्चासन्ने उववेसिअ कुसलाइवत्तं पुच्छिअ आय-णिणओ अहिणवकवआसीवाओ । चिरं अद्धरत्तं जाव एगंते गुट्टी कया । तत्थेव रत्तिं<sup>२४</sup> च साविच्चा पभाए पुणो<sup>३०</sup>

1 D °मणं । 2 P साहुदेव । 3 B C Pa काराविय; D काराविअं । 4 A B जोइरसो° । 5 P सुमिणयासेण । 6 B °धातु° । 7 P पच्छन्ना । 8 P धारे° । 9 D दाडिम° । 10 B °वासत्थलिए । † P आदर्शे एवैतद्वाक्यं दृश्यते । 11 P विना नास्स्यन्न । 12 P सकुडं° । 13 B D Pa कइंवास° । 14 P हट्ट° । 15 P ण्वणेण । 16 P विहायान्यत्र न दृश्यते इदं पदम् । 0-0 एतदन्तर्गतः पाठः पतितः D प्रतौ । 17 P एतत्पदं नास्ति । 18 P ल्हि ( दि ? ) यवंसजाएणं । 19 B C D Pa तुगुलाबाद° । 20 P जणवयं विहरित्ता । 21 P नास्ति । 22 P पुट्टो । 23 P सूरिणा । 24 P रत्तिं वसित्ता ।

४६

## विविधतीर्थकल्पे

आहूया । संतुष्टेणं महानरिदेणं गोसहस्रं दविणजायं पहाणमुज्जाणं वत्थसयं कंबलसयं अगुरुचंदणकप्पूराइगंधदबाइं च दाउमाढत्ताणि । तओ गुरुहिं—साहूणं एयं न कप्पइ त्ति संबोहिऊण महारायं पडिसिद्धं सबं वत्थु । पुणो रायाहिरायस्स मा अप्पत्तिअं होहि त्ति किंचि कंबल-वत्थागरुमाइ अंगीकयं रायाभिओगेणं । तओ नाणादेसंतरागयपंडिएहिं सह वायगोहिं कारवित्ता मयगलहत्थिजुअलं आणाविअं । एगम्मि गुरुणो अन्नम्मि य सिरिजिणदेवायरिया आरोवित्ता 5 वज्जंतीसु अट्टसु सुरत्ताणिअमयणभेरीसु, पूरिज्जमाणेसु जमलसंखेसु, घुम्मंतेसु मुअंगमदलकंसालढोलाइसदेसु, पढंतेसु मट्ट-घट्टेसु चाउवण्णसमेया चउब्विहसंघसंजुत्ता य सूरिणो पोसहसालं पट्टविया । सावएहिं पवेसमहूसवो विहिओ । दिण्णाइं महादाणाइं । पुणो पातसाहिणा समप्पिअं सयलसेअंवरदंसणउवद्वरक्खणखमं फुरमाणं । पेसिआ चउद्विसिं गुरुहिं तस्स पडिच्छंदया । जाया सासणुन्नइं । अन्नया मग्गिअं सूरीहिं सिरिसत्तुंजय-गिरिनार-फलवद्धीपमुहत्तित्थाणं रक्खणत्थं फुरमाणं । दिन्नं तक्खणं चेव सबभोमेणं । पेसिअं तं तित्थेसु । मोइया गुरुवयणाणंतरमेव अणेगे बंदिणो 10 रायाहिराएण । पुणरवि सोमवारदिवसे<sup>1</sup> गुरुणो पत्ता रायउलं वरिसंते जलहरे । भिट्ठिओ सुरत्ताणो । कद्दमखरंटाअपाया गुरुणं ल्हाविया महाराएण मलिककापूर<sup>2</sup>पासाओ पवरसिचयखंडेण । तओ आसीवाए दिण्णे वण्णणाकबे वक्खाणिए अईव चमक्करिअचित्तो जाओ महानरिंदो । अवसरं नाऊण मग्गिया सबसरूवकहणपुवं भगवओ महावीरस्स पडिमा । दिण्णा य ताओ ताओ सुकुमारगोटीओ काऊण एगच्छत्तवसुहाहिवइणा । आणाविया तुगुलकाबादकोसाओ । तओ असूअगाणं मलिककाणं खंधे दाऊण सयलसभासमक्खं अप्पणो अगे आणाविअ दट्टूणं च समप्पिआ गुरुणं । तओ 15 महूसवपभावणापुवं सुक्खासणट्ठिआ पवेसिआ सयलसंधेण मलिकताजदीनसराईए चेईए य ठाविआ । गुरुहिं वासक्खेवो कओ । पूइज्जइ महापूआहिं ।

तओ महारायस्स आएसेणं सिरिजिणदेवसूरिणो अप्पपनरसमे दिह्ठीमंडले ठावित्ता पट्टिआ कमेण गुरुणो मरहट्टमंडले । दिण्णा रायाहिराएण सावयसंधसहिआणं गुरुणं वसहकरहतुरयगुलइणी सुक्खासणाइसामग्गी । अंतरालनगरेसु पभावनं कुणंता पए पए संघेहिं सम्माणिज्जमाणा अपुवत्तित्थाइं नमंसंता सूरिणो कमेण पत्ता देव- 20 गिरिनगरं । संघेण पवेसमहूसवो कओ, संघपूआ य जाया । पइट्टाणपुरे य जीवंतसामि-मुणिसुव्वयपडिमा । संघवइजगसीह-साहण-मल्लदेवप्पमुहसंधसहिएहिं जत्ता कया । पच्छा दिह्ठीए विजयकडए जिणदेवसूरीहिं दिट्ठो महाराओ । दिण्णो बहुमाणो । एगा च सराई दिण्णा । सुरत्ताणसराइ त्ति तीसे नामं ठाविअं । तत्थ चत्तारि सयाइं सावयकुलाणं निवासत्थं आइट्टाणि । तत्थ काराविआ पोसहसाला कलिकालचक्कवट्टिणा चेईयं च । ठाविओ तत्थ सो चेव देवो सिरिमहावीरो । पूअंति तिकालं महरिहपूआपयारेहिं भगवंतं परत्तित्थिया सेयंवरभत्ता 25 दियंवरभत्ता य सावया ।

दट्टूण सिरिमहम्मदसाहिकयं सासणुन्नइं । एवं पंचमकालं पि चउत्थमेव कालं कलित्ति जणा ॥ १ ॥

विंबं पडिहयडिंबं वीरजिणेसस्स धुअकिलेसस्स । आचंदसूरिअमिणं मणनयणाणंदणं जयइ ॥ २ ॥

कण्णाणयपुरसंतिअदेवमहावीरपडिमकप्पोयं । लिहिओ मुणीसरेणं जिणसिंह<sup>3</sup>मुणिंदसीसेणं ॥ ३ ॥

॥ इति कन्यानयनीयमहावीरप्रतिमाकल्पः ॥

30

॥ ग्रं० ७७, अ० १५ ॥

1 P ण्दिणे । 2 A B मलिक; P मलिककापूर; Pa मलिककापूर । 3 B C Pa जिणसंधं ।